

## **Dairi - Kelluahen Bibèl - Salvation Scriptures**

**Epesus 2:2 Imo siniulaken ndènè mengèkutken bakko dunia èn; iuèi kènè ngo kuasa niperkuasa ni abang-abang i, imo tendi simengula soh bagèndari i atè-atè jelma siso uè tunduk bai Dèbata.**

**Mateus 6:10 Dak roh mo kerajaenMu, Saut mo lemmo atèMu i babo tanoh èn bagè si ni sorga.**

**Lukas 22:42 Nai mertongkel tèun mo ia mersodip, "Ialè Pa, mula ndorok ngo dok atèMu, pedaoh mo bangKu nai kinidersa ènda. Tapi ulang mo merguru bangKu, merguru bamu mo."**

**Johanes 16:7-9 Tapi situhunna ngo siKudokken èn bai ndènè: Laba ndènè ngo mula laus Aku; ai ukum oda laus Aku, oda roh pengondiin i mendahi kènè. Tapi mula laus Aku, pasulakenKu mo la mendahi kènè. 8 Janah roh kessa la, lajari mo dunia èn tersèngèt pengantusiin Iapaten dosa, kebennaren dekket hukum; 9 ukum tersèngèt dosa, imo kumarna oda percaya kalak i bangKu;**

**2 Timoteus 2:10 Idi ngo sebabna asa mbingit aku menggongken i karinana lako paluahken karina kalak sienggo ipilih Dèbata, asa gabè maluah kalak i merkitèken Kristus Jesus, janah terolih kemuliaan simenettap i.**

**Rom 15:20,21 Ipergeddo atèngku ngo, asa kubagahken Sukuten Kelluahen bai Dèbata nai taba jelma simakdèng mendengkoh tersèngèt Kristus, asa ulang kupajek bages i babo batu cendi si nibahan sidèban. 21 Bagè sinidokken Bibèl, "Idah kalak simakdèng nung menjalo Sukuten i mo la, janah iantusi kalak i mo si mak nung dèng mendengkohsa.**

**Ulaan Apostèl 2:36,37 Jadi bettoh kènè mo, karina kènè alè bangsa Israel, ukum Jesus sienggo nipersilangken ndènè i, ia ngo ipebangkit Dèbata gabè Tuhan janah Raja Sipaluah!" 37 Idengkoh kalak i kessa mo kata i, bulisah kalohoon mo atè kalak i. Nai ikusoken kalak i mo taba si Petrus, bak taba apostèl-apostèl sidèbanna i. "Kadè mo bakinen nami alè dengan?"**

**Heber 4:2 Ai banta pè enggo isukutken Sukuten Kelluahen i, tosè bagè bai kalak idi. Tapi ukum bai kalak i oda lot gunana sukuten i. Ai tikan idengkoh kalak i kata i, oda ngo percaya kalak i bai Dèbata.**

**Jeremia 24:7 - Mateus 22:37 Ialoi Jesus mo, "Kennah kekelengenmu ngo Tuhan Dèbatamu, ibas nasa atè-atèmu nai, dekket nasa kessahmu, dekket nasa pikirenmu.**

**Ulaan Apostèl 16:14 Ndai ngo ibagahken si Simon bakunè penatap Dèbata taba bangsa sidèban siso Jahudi i mulana nai, asa gabè ijalo kalak i**

**gabè ummatNa.**

**Mateus 13:14-16** Merkitè bagi saut mo bagè sinidokken Nabi Jesaya terrèngèt kalak idi: 'Nina Dèbata: Idengkoh kénè ngo nemmu tapi oda iarti kénè; itengen kénè ngo nemmu tapi oda idah kénè. 15 Ai enggo majel pikiren ndènè coping ndènè pè enggo tongkik janah enggo pèitung mata kalak i. Asa ulang merpendidah mata kalak i ulang merpendengkoh copingna ulang mengantusi pikirennna asa ulang balik mendahi Aku, nai Kupemmalum kalak i.' 16 Tapi ukum terrèngèt kénè," nina Jesus dèng ma taba sisinNa, "merlaba olih ngo kénè! Kerna merpendidah mata ndènè, janah merpendengkoh ngo pènggel ndènè.

**Jesaya 6:9,10 - Ulaan Apostèl 28:27** Ai enggo mpihir pusuh peratèen bangsa èn, janah enggo isompel pènggelna, enggo ipècengken matana. Masa pè èn asa ulang merpendidah mata kalak i, janah oda merpendengkoh pènggel kalak i, pusuh peratèenna oda mengantusi, janah ulang balik nemmu kalak i mendahi Aku, nai gabè Kupejuah nola kalak idi.

**Markus 4:11,12** Nai nina Jesus mo, "Mendahi kénè enggo iberrèken basa basa lako memettoh rahasia bakunè Dèbata memerèntah. Tapi ukum kalak sidèban, ibagahken ngo merkitè codiin, 12 asa, 'Dak ngo kalak i mendatèken tapi oda ibetoh kadè masa, dak ngo kalak i mendengkoh, tapi oda mengantusi, masa pè èn asa ulang idah janah iantusi, janah asa ulang roh kalak i mendahi Dèbata gabè iampuni Dèbata kalak i.' "

**Johanes 12:39,40** Kumarna naidi ngo asa oda terbaing kalak i percaya, ai nina si Jesaya dèng ma ngo: 40 "Enggo kupepèitung mata kalak i, janah enggo kupepihir ukur kalak idi; asa ulang merpendidah mata kalak i, janah asa ulang merpengantusi pikiren kalak i; asa ulang balik kalak i mendahi Aku, nai Kupemmalum mo kalak idi."

**Rom 11:7,8** Asa, bakunè ngo keppè? Oda jupa kalak Israel si ni tulusenna. Pellin siterpilih i ngo kessa terolih. Ukum sidèbanna i, oda parduli i penenggoon Dèbata. 8 Rembang bagè sittersurat ibas Bibèl, "Soh bagèndari ngo lalap atè-atè pikiren kalak idi ibaing Dèbata, mata kalak i pè laju ngo oda merpendidah, pènggelna pè oda merpendengkoh."

**2 Tesalonika 2:10,11** Merkitè-kitè kilang kejahaten ngo ibaing mengelalingken kalak sinaing mago. Mago mo kalak i kumarna oda ijalo janah oda ikellemmoken kalak i berita situhunna bai Dèbata nai sigabè kelluahen kalak i nemmuken. 11 Ingo sebabna asa iberrèken Dèbata bai kalak i kuasa pengoto-ngotoi lako mengelalingken kalak i, asa percaya kalak i mi siso tuhu.

**Mateus 13:18-23** "Dengkohken kénè mo mendè, lapaten umpama terrèngèt sada kalak penabur idi. 19 Kalak simendengkoh sukuten terrèngèt

**Kerajaen Dèbata, tapi oda iarti, kalak i mo bagè bennih sindabuh i dalan. Roh mo si jahat mengerampasi enggo kessa isabur mi bagasen ukurna. 20 Bennih sindabuh mi tanoh batu, imo kalak simendengkoh sukuten idi, mènter lolo mo ia menjalo. 21 Tapi oda mbages sukuten idi iradumradumi, gabè oda ndekkah mertahan. Roh kessa taba kalak i simpersuk barang kinidersa kumarna sukuten idi, mènter murtat mono kalak i. 22 Bennih sindabuh mi tengah-tengah kopi-kopi i, codi mo i bagè kalak simendengkoh sukuten idi, tapi dak mengkelsohken nggelluh sipat ari idi dekket naing nggelluh mewah. Kerna i gabè terkapit mo sukuten idi ibas ukurna, gabè oda sanga merbuah. 23 Ukum bennih sinisaburken mi tanoh nggabur, imo kalak simendengkohken sukuten idi janah iarti. Kalak idi mo merbuah ratraten, dèba seratus kali lempit, dèba ennempuluh kali lempit, dèba nai tellupuluh kali lempit, i bennih idi nai."**

**2 Korintus 3:15,16 Soh bagèndari pè, mula ijaka kalak idi buku si Musa, tong dèng ngo ikemkemmi penutup i pikirennna. 3:16 Tapi mula roh menghadep sada jelma taba Tuhan i, terrago mo penutup idi i abè kalak i nai.**

**Hosea 11:3-7 - Mateus 11:28-30 "Roh mo kènè karinana mendahi Aku kènè sienggo leja janah botongen asa Kupesennang kènè. 29 Uèi kènè mo Aku janah guruken kènè mo bangku nai, ai melamlam janah ncerrep merukur ngo Aku, asa dapetten kesennangen Tendi ndènè. 30 Ai maing sennang ngo perèntah-perèntahKu janah menahang ngo siKupepersanken bai ndènè."**

**Ulaan Apostèl 26:18 janah asa karuar kalak idi ibas sigellap idi nai balik mi kecihuren; asa maluah kalak idi ipas gemgemmen Sibolis i nai, balik mi gemgemmen Dèbata. Ai merkitè percaya kalak i bangKu, ijalo kalak i mo kesasaan dosana janah gabè persulang rebbak dekket kalak sienggo ginemgem Dèbata sienggo terpilih i.**

**2 Timoteus 2:24-26 Oda mendè gabè petubuhken perselisihen ukum naposo Tuhan i; kennah melamlam ngo ia taba karina kalak janah ndorok memeddahi jelma i, ibagesen selloh janah mbingit. 25 Kennah melamlam ngo ia mengajari kalak pengalo-ngalo; asa katerra pè ibuka Dèbata tikki pertobaten taba kalak sibagidi i dosana nai, janah asa itandai peddah situhunna i. 26 Merkitè bagidi gabè saddar nola mo kalak i mengolihi, janah maluah ipas togong-togong Sibolis simemmaksa kalak i kennah menguèi lembo atèna.**

**Alamat 3:17-19 Idokken kènè ngo, 'bèak ngo kènè janah kaya, oda kurangen kadè kènè.' Oda ibetoh kènè kalak mpersuk ngo kè bana mpersah, ncor bak pèitung janah sabar. 18 Kerna naidi, Kupernoi mo kènè, tokor mo bangKu nai emmas sienggo itingtingi asa tuhu bèak**

**kènè, bagi ma dekket oles mbulan mahan abit ndè, asa ulang termèla kènè kumarna sabar i kènè. Bagi ma pè dekket minak sidalisenken mi mata ndènè, asa merpendidah kènè! 19 Ai kalak siKukekellengi, kalak i ngo Kupesèngèt janah Kupeddahi. Kernana i mertuhu-tuhu mo ukur ndènè ninganna mertobat ibas dosa-dosa ndènè nai.**

**2 Korintus 7:10 Ai ikerrohken bonek atè bai Dèbata nai ngo gabè lot pertobaten asa mi kelluahen, janah oda peselsel jelma kerna naidi. Tapi ukum bonek atè i dunia èn nai mengkerrohken kemmatèen ngo i.**

**1 Raja 18:37 - God turned heart back to God**

**2 Korintus 4:4 Itepèitung tendi jahat ni dunia èn ngo pikiren kalak siso percaya idi. Ia ngo mengellègenni kalak i asa ulang idah kalak idi bindella kessangapen Sukuten Kelluahen terrèngèt Kristus i; ai ibas Kristus idi ngo kita mengidah rupa Dèbata.**

**Lukas 8:11-15 "Bagèen ngo lapaten codiin ndai; Ia ukum bennih idi, imo kata Dèbata. 12 Bennih sindabuh mi dalan idi imo kalak simendengkoh kata i, tapi roh mo Sibolis irampasi mo berrita idi i pusuh perratèen kalak idi nai, gabè oda nèngè kalak idi percaya janah oda maluah. 13 Bennih sindabuh mi tanoh batu, imo kalak simendengkoh sukuten idi menter lolo ngo ia menjalo. Tapi oda ikeddarohtken. Pellan sigejjap ngo kessa percaya ia. Ai roh kessa pengunjuren gabè oda nè hot kalak idi. 14 Bennih sindabuh mi tengah kopi-kopi, imo kalak simendengkoh sukuten idi, tapi olang-aling ngo kalak idi, ai sèkel kalohoon kalak i kaya janah mersennang-sennang i dunia èn. Idi nola mo menessak kalak idi gabè oda nè merbuahken selloh kalak idi. 15 Ukum bennih sindabuh mi tanoh nggabur idi, imo kalak simendengkoh sukuten idi janah mènter ipennep mendè ibagasan pennarihenna. Iulaken ngo mendè ibagasan mbingit, gabè merbuahken mbuè janah mendè."**

**Ulaan Apostèl 15:11 Balikna, ai sikepercayai ngo merkitèken masèh atè Tuhan Jesus sambing ngo makin asa maluah kita. Kalak idi pè bagidi ma ngo.**

**Rom 8:13 Mula merguru mi daging ngo kènè merperangè, matè ngo kènè; tapi mula ibunuh kènè perrulaan daging merkitè Tendi Perbadia, nggelluh mo kènè.**